



অবিলম্বে প্রকাশের উদ্দেশ্যে: 11/15/2023

গভর্নর ক্যাথি হোকল

গভর্নর হোকল নতুন আর্টস অ্যান্ড কালচার অনুদান পুরস্কারে 46 মিলিয়ন মার্কিন ডলারেরও বেশি ঘোষণা করেছেন

*নিউ ইয়র্ক স্টেট কাউন্সিল অন দ্য আর্টসের অনুদান 2024 অর্থবছরে 80 মিলিয়ন মার্কিন ডলারে উন্নীত করেছে*

*তহবিল নিউ ইয়র্ক স্টেট জুড়ে 1000টিরও বেশি সংস্থা ও 500 জন স্বতন্ত্র শিল্পীকে সহায়তা করবে*

গভর্নর ক্যাথি হোকল আজ নিউ ইয়র্ক স্টেট কাউন্সিল অন দ্য আর্টস (New York State Council on the Arts)-এর মাধ্যমে 46 মিলিয়ন মার্কিন ডলারেরও বেশি অনুদান পুরস্কার ঘোষণা করেছেন। 1,000টিরও বেশি অলাভজনক সংস্থা এবং 500 জন স্বতন্ত্র শিল্পীকে সহায়তা করে, এই অনুদানগুলো কমিউনিটি গঠন, পর্যটন এবং স্থানীয় অর্থনীতিকে বাড়িয়ে এবং ব্যক্তিগত ও সম্মিলিত স্বাস্থ্যকে শক্তিশালী করে নিউ ইয়র্কের প্রাণবন্ত সৃজনশীল অর্থনীতিকে সমর্থন করে। ইতোমধ্যে 729টি সংস্থাকে বহু-বার্ষিক অনুদান হিসাবে 34 মিলিয়ন মার্কিন ডলারেরও বেশি অনুদান দেওয়া হয়েছে, এই তহবিল রাউন্ডটি নিউ ইয়র্ক স্টেট শিল্প ও সংস্কৃতির জন্য এই অর্থবছরের মোট অনুদানের পরিমাণ 80 মিলিয়ন মার্কিন ডলারে নিয়ে এসেছে।

“গবেষণা নিশ্চিত করে যে নিউ ইয়র্কে আমরা সবসময় যা জানি: শিল্প ও সংস্কৃতি একটি পাওয়ার হাউস, আমাদের অর্থনীতি এবং আমাদের কমিউনিটির জন্য বিনিয়োগের বিস্ময়কর রিটার্ন রয়েছে,” **গভর্নর হোকল বলেন।** “অলাভজনক শিল্প ও সংস্কৃতি সংস্থা এবং তাদের শ্রোতারা 2022 সালে দেশব্যাপী অর্থনৈতিক কার্যকলাপে 151.7 বিলিয়ন মার্কিন ডলার আয় করেছে এবং নিউ ইয়র্কের অতুলনীয় শিল্প ও সংস্কৃতি খাত প্রতিদিন আমাদের বাসিন্দাদের, আমাদের শিক্ষার্থীদের এবং আমাদের দর্শকদের উপকৃত করার পথে নেতৃত্ব দিচ্ছে। আমরা এই অনুদানপ্রাপ্তদের তাদের অর্জনের জন্য প্রশংসা করি এবং আগামী বছরে তাদের অবদানের জন্য অপেক্ষা করছি।”

এই তহবিল চক্রে, চারটি ভিন্ন পুরস্কারের বিভাগ ঘোষণা করা হয়েছিল:

- **সংস্থাগুলোর জন্য সহায়তা** অনুদান জাদুঘর, ভিজ্যুয়াল শিল্পকলা প্রোগ্রাম, শিল্পকলা শিক্ষা সংস্থা এবং সঙ্গীত, নৃত্য এবং থিয়েটার কোম্পানিসহ 1,021টি শিল্পকলা গ্রুপকে 31,887,411 মার্কিন ডলার প্রদান করবে।
- **শিল্পীদের জন্য সহায়তা** অনুদান 504 জন সব শাখার শিল্পীকে 5,040,000 মার্কিন ডলার প্রদান করবে।
- **লক্ষ্যযুক্ত সুযোগ** অনুদান লোকশিল্প শিক্ষানবিশ, শিল্পকলা পরিচালনা করা এবং আবাসিক শিল্পকলা পরিচালনা করা প্রত্যেক শিল্পীদের জন্য অনুশীলন এবং স্টুডিওর জন্য জায়গার সহায়তা করতে 2,997,034 মার্কিন ডলার প্রদান করবে।
- NYSCA-এর অনুদানের প্রভাব সম্প্রসারণের জন্য স্টেট জুড়ে 25টি আঞ্চলিক শিল্প ও সংস্কৃতি সংস্থাকে **রেগ্রান্টস অ্যান্ড সার্ভিসেস** অনুদান 6,619,516 মার্কিন ডলার প্রদান করবে।

2024 অর্থবছরে সকল শাখায় 729টি বহু-বার্ষিক অনুদানপ্রাপ্ত প্রতিষ্ঠানকে মোট 34,445,805 মার্কিন ডলারের অতিরিক্ত তহবিল প্রদান করা হবে।

2021 সালে, নিউ ইয়র্ক স্টেট আর্টস কাউন্সিল অন আর্টস (New York State Council on the Arts, NYSCA) স্টেট জুড়ে শিল্প তহবিলে আরো বেশি প্রবেশাধিকারের অনুমতি দেওয়ার জন্য তার তহবিল কৌশলগুলোকে সংশোধন করেছে এবং শিল্পীদের প্রতি তার সমর্থনের পুনরায় প্রতিশ্রুতি দিয়েছে। ফলস্বরূপ, NYSCA শিল্পীদের জন্য প্রথমবারের মতো আবেদনকারীদের 84 শতাংশকে এবং আগের চেয়ে বেশি স্বতন্ত্র শিল্পীদের অনুদান প্রদান করেছে। এই রাউন্ডে, তহবিলের 70% 1 মিলিয়ন মার্কিন ডলারের কম বাজেটের সংস্থাসমূহে গিয়েছিল; এবং তহবিলের 53% 500,000 মার্কিন ডলারের কম বাজেটের সংস্থাসমূহে গিয়েছিল।

অনুদানপ্রাপ্ত শিল্পী ও সংস্থাগুলির একটি পূর্ণ তালিকা [এখানে](#) আছে।

NYSCA এখনও 11 জানুয়ারি 2024 পর্যন্ত ক্যাপিটাল প্রজেক্ট ফান্ডের 37 মিলিয়ন মার্কিন ডলারের জন্য আবেদন গ্রহণ করেছে। NYSCA-এর ক্যাপিটাল প্রজেক্ট ফান্ড সেই সকল অমুনাফাভোগী কলা ও সাংস্কৃতিক প্রতিষ্ঠানকে সমর্থন করে যারা মূলধনী উন্নয়নের জন্য স্টেটের তহবিল খুঁজছে যা সংগঠনগুলোকে বৈচিত্র্যময় দর্শকের জন্য সাংস্কৃতিক কর্মসূচি টেকসই ও সম্প্রসারণ করতে দিবে, অ্যাক্সেসিবিলিটি এবং পরিবেশগতভাবে টেকসই হওয়ার প্রকার করবে, কর্মসংস্থান সংরক্ষণ ও তৈরি করবে, এবং পরিণামে নিউ ইয়র্কের প্রাণবন্ত পর্যটন খাতের বিকাশে অবদান রাখবে। [বিস্তারিত জানার জন্য NYSCA ওয়েবসাইট](#) দেখুন।

**নিউ ইয়র্ক স্টেট কাউন্সিল অন দ্য আর্টস চেয়ার ক্যাথরিন নিকোলস বলেন,** “গভর্নর হোকল ও আমাদের আইনসভার অকুণ্ঠ সমর্থনের জন্য ধন্যবাদ, NYSCA পুরো নিউ ইয়র্ক জুড়ে এই সংস্থা ও শিল্পীদের কাজকে সমর্থন করতে পেরে গর্বিত। শিল্প ও সংস্কৃতি খাতের বিভিন্ন বিষয় জুড়ে - বিশ্বখ্যাত পারফর্মার থেকে শুরু করে স্কুল-পরবর্তী প্রোগ্রাম, দীর্ঘ প্রতিষ্ঠিত জাদুঘর থেকে কমিউনিটি আর্টস কালেক্টিভ পর্যন্ত - এই সংস্থাসমূহ এবং শিল্পীরা একসাথে আমাদের বাসিন্দাদের এবং দর্শনার্থীদের জন্য স্বাস্থ্য, পর্যটন, অর্থনীতি এবং শিক্ষার একটি শক্তিশালী

চালিকাশক্তি। কাউন্সিল ও কর্মীদের পক্ষ থেকে, আমাদের সকল NYSCA অনুদানপ্রাপ্তদের অভিনন্দন এবং আপনার অধ্যবসায়, আপনার সৃজনশীলতা এবং নিউ ইয়র্ক স্টেটে আপনার অক্লান্ত সেবার জন্য আপনাকে ধন্যবাদ।”

**স্টেট সিনেটর হোসে সেরানো বলেন,** “স্টেট সিনেটর হোসে সেরানো বলেন, “নিউ ইয়র্কবাসী হিসেবে আমরা দেশের সবচেয়ে উদ্ভাবনী, কমিউনিটি-কেন্দ্রিক এবং সৃজনশীল শিল্পী এবং সংস্থাসমূহে অ্যাক্সেস উপভোগ করি। এই গুরুত্বপূর্ণ বিনিয়োগ এক হাজারেরও বেশি সংস্থার পাশাপাশি শত শত স্বতন্ত্র শিল্পীকে সহায়তা করবে, স্টেটের সকল কোণে শিল্প ও সংস্কৃতির অসাধারণ সুবিধা প্রসারিত করবে। এই অসাধারণ অর্জনের জন্য আমি অনুদানপ্রাপ্তদের অভিনন্দন জানাই এবং নিউ ইয়র্কের জন্য তারা যা কিছু অর্জন করবেন তার অপেক্ষায় রয়েছি।”

**অ্যাসেম্বলির সদস্য ড্যানিয়েল ও'ডোনেল বলেন,** “শিল্পকলার প্রভাব নিউ ইয়র্ক স্টেটের ফ্যাব্রিকের মধ্যে গভীরভাবে বোনা হয়েছে এবং এই অপরিহার্য তহবিল কেবল আমাদের কমিউনিটিকে শক্তিশালী ও সমৃদ্ধ করবে না বরং আমাদের পর্যটনকে উন্নত করবে, আমাদের স্বাস্থ্যকে বাড়িয়ে তুলবে এবং আমাদের অর্থনীতিকে উদ্দীপিত করবে। পর্যটন, পার্ক, আর্টস ও স্পোর্টস ডেভেলপমেন্ট সম্পর্কিত কমিটির সভাপতি হিসাবে, আমি নিউ ইয়র্কের বিখ্যাত শিল্প ও সংস্কৃতি খাতকে উন্নত করার জন্য আমার সহকর্মীদের প্রতিশ্রুতির গভীর প্রশংসা করি এবং আমি আমাদের স্টেটে এর ইতিবাচক প্রভাবের অপেক্ষায় রয়েছি। অনুদানপ্রাপ্ত সবাইকে অভিনন্দন।”

### **নিউ ইয়র্ক স্টেটের শিল্প পরিষদের ব্যাপারে**

নিউ ইয়র্ক স্টেটের কাউন্সিল অন দ্য আর্টসের (Council on the Arts) এর মিশন হল সকলের জন্য নিউ ইয়র্ক স্টেটের শিল্প, সংস্কৃতি, এবং সৃজনশীলতার সম্পূর্ণ ব্যাপ্তি প্রতিপালন ও উন্নত করা। নিউ ইয়র্ক স্টেট জুড়ে শিল্পকলার চলমান পুনরুদ্ধারকে সমর্থন করার জন্য, 2024 অর্থ বছরে কাউন্সিল অন দ্য আর্টস 127 মিলিয়ন মার্কিন ডলার তহবিল প্রদান করবে। নিউ ইয়র্কের সৃজনশীল সংস্কৃতিকে আরও এগিয়ে নিয়ে যেতে আর্ট কাউন্সিল নেতৃত্বের জন্য আরও লোক নিয়োগ করে সাংগঠনিক ও পেশাদার উন্নয়নের পথ প্রশস্ত করে তথ্য সম্পদকে আরও সমৃদ্ধ করেছে। 1960 সালে গভর্নর নেলসন রকফেলার কর্তৃক তৈরি করা এবং গভর্নর ক্যাথি হোকল এবং নিউ ইয়র্ক স্টেটের আইনসভার সমর্থনে অব্যাহত থাকা এই কাউন্সিল হলো একটি এজেন্সি যা নির্বাহী শাখার অংশ। NYSCA সম্পর্কিত আরো তথ্যের জন্য, অনুগ্রহ করে [www.arts.ny.gov](http://www.arts.ny.gov) দেখুন, এবং NYSCA-এর [Facebook](https://www.facebook.com/NYSCArts) পেজ, Twitter [@NYSCArts](https://twitter.com/NYSCArts) এবং Instagram [@NYSCouncilontheArts](https://www.instagram.com/NYSCouncilontheArts) ফলো করুন।

###

আরো সংবাদ এখানে পাওয়া যাবে এখানে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

আনসাবন্ধাইব করুন